

**ТҮЛӨВ ТИЗИМЛАРИДАГИ ҲУҚУҚБУЗАРЛИКЛАРГА ҚАРШИ КУРАШ
ЭЛЕКТРОН МАСАЛАЛАРИГА ОИД ИЛМИЙ
ТАДҚИҚОТЛАР ТАХЛИЛИ**

Ўрмонов Рустамжон Таввакалжон ўғли

*Ахборот хавфсизлиги йўналиши бўйича мустақил тадқиқотчи,
электрон почта манзили: urmonovrustamjon84@gmail.com*

Аннотация

Ушбу мақолада электрон тўлов тизимларидаги ҳуқуқбузарликларга қарши кураш масалалари га оид олиб борилган илмий-тадқиқотлар таҳлили амалга оширилган. Шунингдек, ўрганилган ишлар тадқиқот предметига кўра гурухларга ажратилган ва улардан баъзиларининг ўзига хос жиҳатлари ёритилган.

Калит сўзлар: электрон тўлов тизимлари, масофавий банк хизматлари, онлайн банк иши, тўлов тизимларидаги ҳуқуқбузарликлар, жиноятларни квалификациялаш, кибер-ҳуқуқбузарликлар, ахборот хавфсизлиги.

**АНАЛИЗ НАУЧНЫХ ИССЛЕДОВАНИЙ ПО ВОПРОСАМ
ПРОТИВДЕЙСТВИЯ НАРУШЕНИЯМ В ЭЛЕКТРОННЫХ
ПЛАТЕЖНЫХ СИСТЕМАХ**

Аннотация

В данной статье проведен анализ научных исследований, проводимых по вопросам противодействия нарушениям в электронных платежных системах. Также изучаемые работы разделены на группы по тематике исследования и выделены специфические аспекты некоторых из них.

Ключевые слова: электронные платежные системы, ДБО, онлайн-банкинг, нарушения в платежных системах, квалификация преступлений, киберпреступления, информационная безопасность.

**ANALYSIS OF SCIENTIFIC RESEARCH ON ISSUES OF COMBATING
VIOLATIONS IN ELECTRONIC PAYMENT SYSTEMS**

Abstract

In this article, an analysis of the scientific research conducted on the issues of combating violations in electronic payment systems has been carried out. Also, the studied works are divided into groups according to the research subject, and the specific aspects of some of them are highlighted.

Keywords: electronic payment systems, remote banking services, online banking, violations in payment systems, qualification of crimes, cyber-crimes, information security.

Хозирги кунда масофавий банк хизматлари ривожланиши ушбу соҳадаги ижтимоий муносабатларнинг тартибга солинишини тақозо этмоқда. Электрон тўлов жараёнлари иштироқчиларининг ноқонуний ҳатти-харакатлари натижасида етказилиши мумкин бўлган зарар ҳар бир давлат учун алоҳида эътибор қаратиш зарур бўлган соҳанинг шаклланишига сабаб бўлмоқда. Ушбу жиноятлар эса кибержиноятлар сифатида эътироф этилмоқда.

Ўзбекистон Республикаси электрон тўлов тизимларидаги ҳукуқбузарликларга қарши кураш механизмларини такомиллаштириш масалаларига бағишлиланган илмий-тадқиқот иши доирасида шу кунга қадар амалга оширилган илмий изланишларни таҳлил қилиш зарур.

Ушбу йўналишнинг тартибга солиниши ҳамда таҳдидларнинг имкон қадар кучизлантирилишини таъминлаш мақсадида кўплаб илмий-тадқиқот ишлари олиб борилган. Очик манбаларда бу турдаги изланишлар натижаларини минглаб учратиш мумкин.

Ўзбекистон Республикасида содир этилаётган ушбу турдаги жиноятларнинг амалга ошириш механизмлари, усул ва воситаларини тадқиқ этиш жараёнида уларнинг аксарияти Россия Федерациясидаги жиноятчилар тажрибасидан фойдаланаётганлигини кузатиш мумкин. Ушбу фикрни РФ ҳукумати томонидан тўлов тизимларининг ҳимоя механизмлари ривожлантирилиши ҳамда “ищиз қолган” хакерлар гурухларининг Марказий Осиё давлатлари, хусусан Ўзбекистон ҳудудига эътибор қаратишлари билан изоҳлаш мумкин. Шу сабабли, РФ тадқиқотчилари томонидан ушбу мавзу атрофлича ўрганилганлиги ҳамда Ўзбекистондаги вазиятнинг ривожланиш тенденциялари билан ўхшашлигини қайд этиш лозим.

Ўзбекистон Республикаси электрон тўлов тизимларидаги ҳукуқбузарликларга қарши кураш механизмларини такомиллаштириш масалалари мавзусининг ўзбек ва чет эл олимлари томонидан ўрганилганлик даражасини аниқлаш ва ёритиш мақсадида бир қатор диссертация, мақола ва халқаро илмий конференцияларнинг материаллари таҳлил қилинди.

Юқоридаги мавзунинг илмий ўрганилганлик даражасини таҳлил этиш учун бир нечта докторлик, номзодлик ва магистрлик диссертациялари ҳамда кўплаб мақолалар таҳлил қилинди. Ўрганилган диссертация ва илмий мақолалар асосан Банк-молия академияси, Тошкент молия институти, Тошкент Давлат Юридик университети ва чет давлат олий таълим муассасалари тадқиқотчилари томонидан амалга оширилган.

Кўриб чиқилган илмий-тадқиқот ишларини предмети ва муаммога нисбатан ёндашувга кўра учта гурухга ажратиш мумкин.

Биринчи гурухга киравчи илмий-тадқиқот ишларида тўлов тизимлари ва улардаги ҳуқуқбузарликларга банклар нуқтаи назаридан қаралган бўлиб, асосий эътибор иқтисодий хавфсизлик ҳамда банкларнинг барқарорлигига салбий таъсири этувчи омилларга қаратилган. Ушбу гурухга киравчи тадқиқотларни иқтисодий йўналишдаги мутахассислар олиб борган. Хусусан, А.К.Мирсоатов, К.О.Семёнов, М.Р.Тангишов, Т.В.Скребцова, С.В.Гришанова, Н.М.Найимова, Ш.А.Ташпулатов, К.Ю.Тихонова, Л.А.Пойманова, И.А.Басов, Ҳ.Икрам, К.Н.Евдокимов, А.А.Кушу ва А.З.Толстовалар¹ томонидан тақдим этилган диссертация ишлари ва илмий мақолаларда тўлов тизимларининг ривожланиши шароитида юзага келувчи қулайликлар ҳамда таҳдидлар кўриб чиқилган. Таҳдидларни ўрганишда банкларнинг инновацион ривожланиши, ахборот технологияларининг жорий этилиши ҳамда банк персонали ва мижозларнинг ушбу шароитга мослашувига асосий ургу берилган. Олиб борилган

¹ А.К.Мирсоатов. Ўзбекистонда масофавий банк хизматлари ривожланишининг замонавий тенденциялари. Moliya va Bank ishi Jurnali 4 (2022), 1-5 б // <https://journal.bfa.uz/index.php/bfaj/article/view/66>; К.О.Семенов. Стратегические направления повышения экономической безопасности коммерческого банка. Автореферат диссертации на соискание ученой степени кандидата экономических наук (2021) // <https://www.dissercat.com/content/strategicheskie-napravleniya-povysheniya-ekonomicheskoi-bezopasnosti-kommercheskogo-banka/read/pdf>; М.Р.Тангишов. Тижорат банкларининг инновацион фаолиятини такомиллаштириш. Иқтисодиёт фанлари буйича фалсафа доктори (Doctor of Philosophy) диссертацияси автореферати (2023) // <https://www.interaktiv.oak.uz/avtoreferat/3aO8225fO1.file>; Т.В.Скребцова, С.В.Гришанова. Финансовые мошенничества в банковской сфере. Научный журнал “Финансы, денежное обращение и кредит”. С 47-55 // <https://cyberleninka.ru/article/n/finansovye-moshennichestva-v-bankovskoy-sfere/viewer>; Н.М.Найимова. Банк тизимининг рақамли трансформацияси, Ўзбекистонда рақамли банкинг хизматлари ҳамда рақамли тўлов тизимларининг самарадорлигини ошириш ва ривожлантириш. “Иқтисодиётнинг рақамлашуви шароитида банк-молия тизимини ривожлантириш истиқболлари” мавзусида республика илмий-амалий конференция тезислари тўплами (12 апрель 2023 йил). – Тошкент: “Молия”, 2023. 101-104 б; Ш.А.Ташпулатов. Тижорат банкларида ахборот хавфсизлиги. “Иқтисодиётнинг рақамлашуви шароитида банк-молия тизимини ривожлантириш истиқболлари” мавзусида республика илмий-амалий конференция тезислари тўплами (12 апрель 2023 йил). – Тошкент: “Молия”, 2023. 97-100 б; К.Ю.Тихонова. Управление рисками мошенничества при осуществлении операций по банковским картам и системам дистанционного банковского обслуживания. Магистерская диссертация (2021) // https://elar.urfu.ru/bitstream/10995/98043/1/m_th_c.y.tikhonova_2021.pdf; Л.А.Пойманова. Мошенничество в банковской сфере: понятие, признаки, виды. Сибирский юридический вестник № 2 (81) (2018). С 84-89 // <https://cyberleninka.ru/article/n/moshennichestvo-v-bankovskoy-sfere-ponyatie-priznaki-vidy/pdf>; И.А.Басов. О мошенничестве в сфере платежных карт. Научный журнал “Экономика и управление в XXI веке: тенденции развития” (2015). С 99-103 // <https://cyberleninka.ru/article/n/o-moshennichestve-v-sfere-platezhnyh-kart/pdf>; Ikram Ul Haq. Fraud Detection for Online Banking for Scalable and Distributed Data. Thesis submitted in total fulfilment of the requirements for the degree of Doctor of Philosophy (2019) // <https://researchonline.federation.edu.au/vital/access/services/Download/vital:14419/SOURCE2>; К.Н.Евдокимов. Противодействие компьютерной преступности: теория, законодательство, практика. Автореферат диссертации на соискание ученой степени доктора юридических наук (2022) // <https://www.prlib.ru/item/1793029>; А.З.Толстова, А.А.Кушу. Современные проблемы развития интернет-банкинга в России. International Journal of Humanities and Natural Sciences, vol. 4-4 (67) (2022). С 151-155 // <https://cyberleninka.ru/article/n/sovremennoye-problemy-razvitiya-internet-bankinga-v-rossii/pdf>.

тадқиқотлардаги умумий жиҳат сифатида ахборот технологияларининг қўлланиши ҳамда инсон омили ўртасидаги муносабатларни ажратиш мумкин. Эътиборлиси шундаки, ушбу жараёнларнинг оммалашуви фонида ҳуқуқбузарликларнинг ривожланиб боришига ахборот хавфсизлиги нуқтаи назаридан ёндашилмаган.

Иккинчи гурухга кирувчи илмий-тадқиқот ишларида банк тизимларида ахборот технологиялари қўлланилишининг норматив-хуқуқий жиҳатлари тадқиқ қилинган. Ушбу тадқиқотларда рақамли технологиялар шароитида банклар ва мижозлар ўртасидаги ижтимоий муносабатларни тартибга солиш, мижозлар ҳуқуқларининг таъминланиши, тўлов тизимларидағи ҳуқуқбузарликларни тергов қилиш, банк тизимларида тезкор-қидирав тадбирларини амалга ошириш, банк соҳасидаги жиноятларни квалификациялаш каби масалалар ўрганилган. Илмий ишларнинг асосий эътибори норматив-хуқуқий базанинг мукаммал ва идеал бўлишига, барча ижтимоий муносабатларни қамраб олишига қаратилган. Табиийки, тадқиқотлар ҳам асосан ҳуқуқшунослар томонидан амалга оширилган. Тўлов тизимларига оид норматив-хуқуқий йўналишдаги тадқиқотларни олиб борган шахслар сифатида П.Л.Сердюк, А.С.Серик, В.В.Эльзессер, А.В.Бондарь, Д.Н.Иконников, И.И.Звезда, В.П.Трухин, С.С.Усмонов, А.Б.Носиров, Г.Н.Карепанов, С.С.Медведев, Б.Б.Жумаев, Ян Сун, С.Т.Тоштемиров, В.Ф.Джафарли, М.А.Простосердов, А.С.Камко, А.И.Боровков, В.А.Новоселов, А.А.Голева, С.Г.Еремин ва С.С.Домовецларнинг² илмий-

² П.Л.Сердюк. Мошенчество в сфере банковского кредитования: уголовно-правовое и криминологическое исследование. Автореферат диссертации на соискание ученой степени кандидата юридических наук (2008) // <https://www.dissercat.com/content/moshenichestvo-v-sfere-bankovskogo-kreditovaniya-ugolovno-pravovoe-i-kriminologicheskoe-issl/read/pdf>; А.С.Серик. Правовые основы предотвращения кибермошенничества: состояние и перспективы развития. Диссертация на соискание академической степени магистра права (2022) // <http://repository.kazguu.kz/bitstream/handle/123456789/1613/1.%20%D0%A1%D0%B5%D1%80%D1%96%D0%BA%20%D0%90.%20%D0%94%D0%B8%D1%81%D1%81%D0%B5%D1%80%D1%82%D0%B0%D1%86%D0%B8%D1%8F.pdf?sequence=1&isAllowed=y>; В.В.Эльзессер. Борьба с мошенничеством в банковской сфере: уголовно-правовой и криминологический аспекты. Автореферат диссертации на соискание ученой степени кандидата юридических наук (2005) // <https://www.dissercat.com/content/borba-s-moshennichestvom-v-bankovskoi-sfere-ugolovno-pravovoi-i-kriminologicheskii-aspekte/read/pdf>; А.В.Бондарь. Мошенничество как вид преступного посягательства против собственности и особенности его проявления в сфере банковской деятельности (уголовно-правовой аспект). Автореферат диссертации на соискание ученой степени кандидата юридических наук (2003) // <https://www.dissercat.com/content/moshennichestvo-kak-vid-prestupnogo-posyagatelstva-protiv-sobstvennosti-i-osobennosti-ego-pr/read/pdf>; Д.Н.Иконников. Предупреждение хищений в банковской сфере. Автореферат диссертации на соискание ученой степени кандидата юридических наук (2012) // <https://www.dissercat.com/content/preduprezhdenie-khishchenii-v-bankovskoi-sfere/read/pdf>; И.И.Звезда. Расследование хищений в банковской сфере, совершенных путем мошенничества. Автореферат диссертации на соискание ученой степени кандидата юридических наук (2008) // <https://www.dissercat.com/content/rassledovanie-khishchenii-v-bankovskoi-sfere-sovershennykh-putem-moshennichestva/read/pdf>; В.П.Трухин. Уголовно-правовая характеристика мошенничества в кредитно-банковской сфере. Автореферат диссертации на соискание ученой степени кандидата юридических наук (2006) // <https://www.dissercat.com/content/ugolovno-pravovaya-kharakteristika-moshennichestva-v-kreditno-bankovskoi-sfere/read/pdf>; S.S.Usmonov. Axborot-kommunikatsiya texnologiyalari sohasida sodir

тизимларидағи хуқуқбузарликларга қарши курашда дастурий ва техник воситаларга устуворлик берилган. Ушбу тадқиқот ишларида тұлов тизимларидағи жиноятларнинг ўзига хос жиҳатлари, хуқуқбузарлик субъектларининг тизим сифатида шаклланиши ҳамда таҳдид сифатида юзага чиқиши очиб берилган. Ахборот хавфсизлигига таҳдид сифатида намоён бўлувчи ушбу субъектларни кибержиноятчилар сифатида эътироф этилган. Ушбу йўналишга мансуб тадқиқот ишларида ахборот технологиялари бўйича мутахассислар билан бир қаторда иқтисодий фанлар вакилларини ҳам учратиш мумкин. Замонавий банк тизимларидағи жиноятлар бўйича илмий-тадқиқотлар олиб борган шахслар сифатида З.С.Фаргиева, Л.М.Катиева, А.М.Валиев, А.З.Толстова, А.А.Кушу, С.Ю.Шамрина, А.Н.Ломакина, А.В.Фролов, Р.Д.Асемова ва М.Р.Акбароваларга³ тегишли материаллар ўрганиб чиқилди.

Илмий-тадқиқот мавзусининг бошқа тадқиқотчилар томонидан ўрганилганлик даражасини баҳолаш ҳамда олиб борилаётган тадқиқотдаги қарашлар билан қиёслаш мақсадида бир нечта илмий-тадқиқот ишлари атрофлича таҳлил қилинди.

А.Мирсоатов томонидан 2022 йилда Ўзбекистон Республикаси банк-молия академияси илмий журналида чоп этилган “Ўзбекистонда масофавий банк хизматлари ривожланишининг замонавий тенденциялари” мавзусидаги илмий мақолада масофавий банк хизматларининг ривожланиб бориш жараёнлари билан синхрон тарзда ахолининг молиявий саводхонлигини шакллантириш зарурлиги айтилган. Таҳлиллар натижасида масофавий банк хизматларининг ривожланишига асосий сабаб сифатида пандемия даври шароитлари келтирилган. Тадқиқотчининг фикрига кўра, соҳанинг жадал ривожланишини

³ З.С.Фаргиева, Л.М.Катиева. Компьютерные преступления в банковской сфере: профилактика, предупреждение. Научный журнал (электронный) “E-Scio” 8 (83) (2020) // <https://cyberleninka.ru/article/n/kompyuternye-prestupleniya-v-bankovskoy-sfere-profilaktika-preduprezhdenie/pdf>; А.М.Валиев. Тижорат банкларида ахборот хавфсизлигини таъминлаш тизимини такомиллаштириш йўллари. “Иқтисодиётнинг рақамлашуви шароитида банк-молия тизимини ривожлантириш истиқболлари” мавзусида республика илмий-амалий конференция тезислари тўплами (12 апрель 2023 йил). – Тошкент: “Молия”, 2023. 82-84 б; А.З.Толстова, А.А.Кушу. Современные проблемы развития интернет-банкинга в россии. International Journal of Humanities and Natural Sciences, vol. 4-4 (67) (2022). С 151-155 // <https://cyberleninka.ru/article/n/sovremennoye-problemy-razvitiya-internet-bankinga-v-rossii/pdf>; С.Ю.Шамрина, А.Н.Ломакина, А.В.Фролов. Финансовые мошенничества в банковской сфере. Научный журнал “Современная экономика: проблемы и решения”, 5 (137) (2021), С 20-29 // <https://journals.vsu.ru/meps/article/view/7142/7173>; А.М.Валиев. Тижорат банкларида ахборот хавфсизлиги таъминлаш йўллари. “Иқтисодиётнинг рақамлашуви шароитида банк-молия тизимини ривожлантириш истиқболлари” мавзусида республика илмий-амалий конференция тезислари тўплами (12 апрель 2023 йил). – Тошкент: “Молия”, 2023. 119-124 б; Р.Д.Асемова. Тұлов тизимларидағи рискларни бошқаришни такомиллаштириш йўллари. “Иқтисодиётнинг рақамлашуви шароитида банк-молия тизимини ривожлантириш истиқболлари” мавзусида республика илмий-амалий конференция тезислари тўплами (12 апрель 2023 йил). – Тошкент: “Молия”, 2023. 154-158 б; М.Р.Акбарова. Киберхавфсизлик – рақамли иқтисодиётни ривожланишининг муҳим омили. Oriental Renaissance: Innovative, educational, natural and social sciences. Volume 1 | Issue 4 (2021) // <https://cyberleninka.ru/article/n/kiberxavfsizlik-raqamli-iqtisodiyotni-rivojlanishining-muhim-omili/pdf>.

хуқуқбузарликларга қарши курашнинг самарадорлигига таъсир этувчи омил сифатида эътироф этилади.

Бундан ташқари, номзодлик иши доирасидаги илмий мақолада масофавий банк хизматларининг ривожланиши бўйича халқаро тадқиқотлар таҳлил қилинган. Муаллифнинг хulosаларига кўра, онлайн банк иши мижозларга бир қанча қулайликлар ва имтиёзлар яратишига қарамасдан, ушбу сектордаги менежерлар учун бир қатор асосий ташвиш ва қийинчиликлар туғдиради. Хусусан, ҳиндистонлик иқтисодчи П.Реватхининг фикрича, онлайн банклар олдида турган хавфсизлик, техник муаммолар, тўлов ўтказмалари билан боғлиқ қийинчиликлар, уларни анъанавий банклар билан муросага келишга мажбур қиласди. Яна бир мутахассис С.Ж.Каурнинг таҳлили шуни кўрсатадики, ривожланаётган давлатларда рақамли банкларни амалиётда қабул қилинишини яхшилашнинг асосий аниқланган омили сифатида мижозларнинг рақамли банк фаолиятига ишончини қозониш учун банк тизимида интеграциялашган маданий ва ташкилий ўзгаришлар амалга оширишdir. Асосий таклифлар масофавий хизматлар кўрсатувчи банклар фаолиятини ривожлантириш бўйича берилган бўлиб, ушбу соҳадаги хуқуқбузарликларга эътибор қаратилмаган.

Хулоса сифатида банклар томонидан ўрнатилган тўлов терминалларидан тушган тушумга банк тизимидан фойдаланувчилар сонининг ҳамда муомаладаги пластик карточкаларнинг ўзгариш динамикаси таъсири суст бўлганлиги айтилган. Айнан 2020-2021 йиллардаги пандемия ҳолати ахолининг масофавий банк хизматларидан фойдаланишга мажбур қилган. Чунки, номинал ва реал кўрсаткичларда ҳам фақатгина 2021 йилда кескин ўсиш кузатилган.

Воронеж давлат техника университети тадқиқотчиси **О.К.Семёновнинг** “Тижорат банкларида иқтисодий хавфсизликни оширишнинг стратегик йўналишлари” мавзусидаги номзодлик диссертациясида банк тизимларининг иқтисодий хавфсизлигини таъминлаш миллий иқтисодиётни ривожлантиришда долзарб ва муҳим масала ҳисобланиши, ушбу вазифани амалга оширишда узоқ муддатли комплекс чора-тадбирлар ишлаб чиқиш зарурлиги долзарб масала сифатида таъкидланган. Тадқиқотда РФ мисолида тижорат банклари фаолиятидаги ислоҳотлар таҳлил қилинган. Шунингдек, “оғир иқтисодий шароит”да тижорат банкларининг иқтисодий хавфсизлигини таъминлашдаги бошқарув муносабатлари ҳамда стратегик йўналишлар бўйича таклифлар берилган. Тадқиқот давомида ишлаб чиқилган вазифалар асосан молиявий барқарорликни таъминлашга қаратилган. Бундан ташқари, банк тизимларидаги ахборот хавфсизлигини таъминлаш йўналишига, рухсат этилмаган кириш мисолида, қисқача тўхтаб ўтилган. Тадқиқот давомида иқтисодий хавфсизликка таъсир этувчи сиёсий, ижтимоий-иқтисодий ва норматив-хуқуқий омиллар гурухланган. Ушбу тадқиқот натижаларидан РФ тажрибасининг элементлари

сифатида фойдаланиш ҳамда банкларнинг бошқарув аппарати тўғрисидаги таҳлил натижаларидан фойдаланиб, ахборот хавфсизлиги билан боғлиқ муаммоларнинг ривожланишига таъсир қилувчи асосий омилларни ажратиш мумкин.

Ушбу илмий-тадқиқот натижасида тижорат банкларининг оғир иқтисодий шароитда барқарор ва нормал фаолият олиб боришига асосий эътибор қаратилиб, ушбу мақсадга эришиш учун фундаментал тадқиқот олиб борилган. Хусусан, иқтисодий хавфсизликни таъминлашга йўналтирилган концептуал модел, индикаторлар тизими, омиллар таснифи ҳамда бошқарувни автоматлаштириш бўйича таклифлар берилган.

Тадқиқот асосан иқтисодий хавфсизлик йўналишида олиб борилган бўлиб, банк тизимларидаги кибер-хукуқбузарликлар бўйича таҳлиллар амалга оширилмаган.

М.Р.Тангишов томонидан 2023 йилда Тошкент молия институтида “Тижорат банкларининг инновацион фаолиятини такомиллаштириш” мавзусида олиб борилган номзодлик диссертация ишида банкларни ривожлантиришда уларнинг инновацион технологияларни амалиётга жорий қилишга етарли эътибор қаратмаётганлиги ушбу соҳада амалга оширилаётган ислоҳотларнинг самарадорлигига таъсир этаётганлиги долзарб муаммо сифатида эътироф этилилган. Тадқиқотчининг фикрича, банкларнинг нофоиз даромадларини ошириш, уларнинг хизмат таннархини пасайтириш ҳамда сифатли хизмат кўрсатиши масалалари инновацион ривожланиш билан боғлиқдир. Тадқиқот предмети сифатида тижорат банкларининг инновацион фаолиятини такомиллаштириш жараёнида юзага келадиган молиявий муносабатлар олинган.

Илмий-тадқиқот давомида АҚШ, Канада, Евropa ва Осиё банкларининг рақамлаштирилганлик даражаси ҳамда банк бошқарувидаги инновацион ўзгаришларнинг жорий қилинганлик ҳолати таҳлил қилинган. Шунингдек, Ўзбекистон тижорат банкларининг масофавий хизматларидан фойдаланувчилари сони тўғрисидаги маълумотларнинг 2018-2022 йиллар учун таҳлили амалга оширилган. Бундан ташқари АҚШдаги кредит карталар билан боғлиқ фирибгарликларнинг ўзгариш тенденцияларининг 2017-2021 йиллар учун таҳлили амалга оширилган.

Тадқиқот натижасида, тижорат банкларининг кредитлаш, транзакциялар ва банк карталари тизимларини такомиллаштириш бўйича таклифлар ишлаб чиқилган.

Шунингдек, тижорат банкларининг инновацион фаолияти бошқарув, бизнес жараёнлари ва банк маҳсулотларидаги инновациялар каби З та йўналишга бўлинган.

Тадқиқот давомида асосий эътибор инновацион ривожланишга

қаратилган. Ушбу йўналишнинг замонавий таҳдидлари чукур ўрганилмаган. Хусусан, инновацион ривожланишнинг ҳуқубузарликлар янги турлари шаклланишига олиб келиши тўғрисида фикр юритилмаган.

Т.В.Скребцова ва **С.В.Гришанованинг** 2020 йилда Стравполь давлат аграр университети илмий журналида чоп этилган “Банк соҳасидаги молиявий фирибгарликлар” мавзусидаги илмий мақоласида банк тизимлари ва хизматларининг рақамлашуви ушбу йўналишда содир этилаётган фирибгарликларнинг янги кўринишларига шароит яратадиганлиги долзарб масала сифатида муҳокама қилинган. Тадқиқот предмети сифатида РФ банкларида содир этилаётган молиявий фирибгарликларнинг ўзига хос хусусиятлари ўрганилган.

Тадқиқотчилар томонидан банк соҳасидаги жиноятлар субъектлари бўйича гурухланган ҳамда ҳуқуқбузарликларга қарши курашнинг норматив-ҳуқуқий базаси даражалар бўйича тизимлаштирилган. Жорий ҳолат таҳлили сифатида РФ мисолида жиноятлар ва аризалар сони, зарар ва қайтарилиган маблағлар микдорлари 2018-2019 йиллар чораклари бўйича таҳлил қилинган

Шунингдек, ҳуқуқбузарликларга қарши кураш механизмлари фақат банк зиммасидаги вазифалар сифатида ёритилган. Мақолада асосий урғу жорий ҳолат таҳлилига берилган.

Тадқиқот натижасида банк тизимидағи фирибгарликларнинг салбий тенденциялари тўғрисида хулосалар берилган. Шунингдек, соҳани тартибга соловчи норматив-ҳуқуқий ҳужжатлар таснифланган.

Юқоридагилардан ташқари, ушбу соҳадаги нисбатан тор доирадаги тадқиқот ишлари икки гурухга бўлинади. Булар: “тўлов карталари билан ёки тўлов картасиз фирибгарлик” ҳамда “банк фирбгарлиги” ҳисобланади.

Биринчи йўналишга доир тадқиқотлар тўлов карталаридан онлайн транзакциялар учун рухсатсиз фойдаланиш билан боғлиқ ҳолатларни қамраб олади. Тадқиқотчилар фирибгарликни аниқлаш ва бартараф этиш, рискларни бошқариш стратегиялари ва мижозларни ҳимоялаш сиёсати бўйича тадқиқотлар олиб боради. Ушбу йўналишда изланишлар олиб борган тадқиқотчиларга А.Рагхаван, Л.Суни, К.Шривастава, Р.Агарвал, Ю.Чжао, Х.Сунь, Х.Цаоларни киритиш мумкин.

Иккинчи йўналишга доир тадқиқотлар молиявий жиноятларнинг кенгроқ спектрини қамраб олади. Ушбу жиноятларга банк ҳисобларидағи фирибгарлик, чеклар билан боғлиқ фирибгарликлар, пулларни ювиш ҳамда шахсий маълумотларни ўғирлаш қаби жиноятлар киради. Ушбу йўналишда изланишлар олиб борган тадқиқотчиларга С.Тарик, М.Ислам, К.В.Чанг, Т.Х.Ченг, Ю.М.Лин, М.К.Чуанг, Т.Ж.Хван ва Ю.Х.Линларни киритиш мумкин.

Ўрганиб чиқилган барча тадқиқот ишларида электрон тўлов

тизимларидаги ҳуқуқбузарликларга қарши кураш механизмлари бўйича қисман маълумотлар олиш мумкин. Юқоридаги тадқиқот ишларида соҳадаги муаммолар турли ракурслардан таҳлил қилинган.

Хулоса сифатида айтиш мумкинки, барча тадқиқот ишларини умумлаштирган ҳолда ушбу йўналишдаги ҳуқуқбузарликларга қарши кураш механизмларини такомиллаштириш чора-тадбирларини шакллантириш мумкин. Шунингдек, ушбу тадқиқот ишларида келтирилган таҳлил натижаларидан электрон тўлов тизимларидаги жиноятларга қарши кураш механизмларини такомиллаштиришга бағишлиланган тадқиқот ишларида фойдаланиш мумкин.

Фойдаланилган манбалар

1. www.journal.bfa.uz сайти маълумотлари.
2. www.dissercat.com сайти маълумотлари.
3. www.interaktiv.oak.uz сайти маълумотлари.
4. www.cyberleninka.ru сайти маълумотлари.
5. www.elar.urfu.ru сайти маълумотлари.
6. www.cyberleninka.ru сайти маълумотлари.
7. www.researchonline.federation.edu.au сайти маълумотлари.
8. www.prlib.ru сайти маълумотлари.
9. www.repository.kazguu.kz сайти маълумотлари.
10. www.repository.lboro.ac.uk сайти маълумотлари.
11. www.dspace.tltsu.ru сайти маълумотлари.